



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

RESOLUCIÓN DE ALCALDÍA

ASUNTO: APROBACIÓN DAS BASES DO PROGRAMA CARNOTA CONCILIA SEMANA SANTA

EXPEDIENTE: 2026/S012/000001

ANTECEDENTES:

1. Carnota concilia Semana Santa pretende ser unha oferta educativa que o Concello de Carnota, a través do Departamento de Servizos Sociais, lles ofrece ás familias co fin de conciliar a vida persoal, laboral e familiar durante as vacacións de Semana Santa e, ao mesmo tempo, contribuír á formación socioeducativa da rapazada que participe neste programa, con actividades atractivas dende o punto de vista educativo, cultural e convivencial.
2. Este campamento está dirixido á rapazada de 3 a 12 anos.

CONSIDERACIÓNS LEGAIS E TÉCNICAS:

O artigo 21 da Lei 7/1985, do 2 de abril, reguladora das bases do réxime local establece as atribucións que ostenta o alcalde.

De acordo con todo o indicado, RESOLVO:

1. Aprobar as bases do programa Carnota concilia Semana Santa anexas a esta Resolución.
2. Dar conta desta Resolución ó Pleno.

O alcalde

Juan Manuel Saborido Rama

Dou fe. O secretario

José Luis Veiga Sierra



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

BASES DO PROGRAMA CARNOTA CONCILIA SEMANA SANTA

Carnota concilia Semana Santa pretende ser unha oferta educativa que o Concello de Carnota, a través do Departamento de Servizos Sociais, lles ofrece ás familias co fin de conciliar a vida persoal, laboral e familiar durante as vacacións de Semana Santa e, ao mesmo tempo, contribuír á formación socioeducativa da rapazada que participe neste programa, con actividades atractivas dende o punto de vista educativo, cultural e convivencial.

1. DESTINATARIOS/AS

O programa está dirixido a nenas e nenos con idades comprendidas entre os 3 e os 12 anos (ámbolos incluídos) matriculados en Educación Infantil e Primaria, que estarán divididos en grupos de traballo segundo a idade.

2. PRAZAS OFERTADAS

O programa Carnota concilia Semana Santa oferta 50 prazas para os nenos e nenas que cumpran os requisitos de admisión.

3. CRITERIOS DE SELECCIÓN (NON EXCLUÍNTES) E ADXUDICACIÓN DAS PRAZAS

Para outorgar as prazas teranse en conta os seguintes criterios, segundo a puntuación que se indica na seguinte táboa:

CRITERIOS PUNTUACIÓN	PUNTOS
Familias empadroadas no Concello de Carnota	20
Familias nas que ambos os proxenitores ou titores legais traballen ou familias monoparentais ou monomarentais traballando.	6
Familia monoparental ou monomarental	2
Familia numerosa categoría xeral	2
Familia numerosa categoría especial	3
Familias con fillas/os con certificado de discapacidade	2 (por filla/o que presente certificado de discapacidade)
Vítimas de violencia de xénero	2
Renda per cápita igual ou inferior a 10.000 €	2



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

A adxudicación das prazas realizarase da seguinte maneira:

- Adxudicación directa: se as solicitudes non superan o número de prazas ofertadas.
- No caso de que as solicitudes superen as prazas ofertadas, a selección dos/das aspirantes realizarase en función do cumprimento dos requisitos da táboa anterior, asignando praza directa aos que teñan a maior puntuación ata cubrir a totalidade das prazas.

No caso de que se produzan empates nas puntuacións, realizarase un sorteo público entre as/os aspirantes que teñan a mesma puntuación, realizaranse tantos sorteos como empates se produzan ata cubrir as prazas e establecer a orde da lista de agarda.

Dado que un dos obxectivos desta actividade é favorecer a conciliación da vida laboral e familiar, nos sorteos que de ser caso se realicen, os irmáns irán na mesma papeleta.

4. PRAZO DE PRESENTACIÓN DE SOLICITUDES

O prazo para a presentación das solicitudes abrangue dende o 2 ata o 6 de marzo, ás 14:00 horas (ambos incluídos).

Cabe a posibilidade de valorar situacións familiares de especial dificultade, previo informe elaborado polo persoal técnico do Departamento de Servizos Sociais.

Estes requisitos deben cumprirse na data da aprobación destas bases. O Concello reservase o dereito a requirir canta documentación estime oportuna.

5. LUGAR E HORARIO DE REALIZACIÓN:

Este programa desenvolverase no pavillón polideportivo de Lamas de Castelo durante os días 30 e 31 de marzo e 1 e 7 de abril. O horario será de 10:00 a 14:30 horas, máis ofrecerase a posibilidade de incorporarse ás 08:00 h da mañá, naqueles casos en que sexa necesario para favorecer a conciliación da vida persoal, laboral e familiar.

6. NORMAS DE FUNCIONAMENTO

Deberanse comunicar á persoa encargada da actividade os cambios que se produzan en relación cos datos que figuren na folla de inscrición.

Prégase puntualidade na entrega e recollida da rapazada.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

7. OBSERVACIÓNS

1. Recoméndase vestimenta e calzado cómodo.
2. Cómpre que os participanten traian unha pequena merenda para a media mañá e unha botella de auga.

8. COMISIÓN DE VALORACIÓN

A comprobación dos criterios de selección, será realizada por unha comisión de valoración, que queda constituída polos seguintes membros:

Titulares:

1. Educadora familiar do Concello de Carnota
2. Administrativa do Concello de Carnota
3. Técnica de información xuvenil do Concello de Carnota

Suplentes:

1. Técnica de deportes
2. Técnica de cultura
3. Técnica de normalización lingüística do Concello de Carnota

9. PUBLICIDADE

As bases e as resolucións que se diten neste procedemento publicaranse no taboleiro de anuncios da sede electrónica do Concello de Carnota (<https://sede.carnota.gal/sxc/es/informacion/>) e na páxina web do Concello de Carnota (<https://www.carnota.gal/taboleiro-anuncios/>).

A lista de admitidos, excluídos e de agarda será publicada co nome e apelidos do representante da persoa que solicita a praza.

A omisión, falsidade dos datos ou dos documentos achegados serán causa de denegación, con independencia da incoación do correspondente expediente sancionador.